

Góa sī 1-chiah Tâi-ôan-káu

Siau, Lah-jih



Góa sī 1-chiah Tâi-ôan-káu
 Kha-kut lò-lò chin gâu cháu
 Kha-tê-á chhiūⁿ kiuⁿ-á kha
 Bóe-á khiàu-khiàu oan-oan khiau-khiau
 Kài-sêng liâm-lék-á, ē-sái-tit kòa-chháu
 Chih-pan σ-σ sī tèk-sek, Lāi-hâng-lâng 1 khòaⁿ put-tit-liáu
 O-ló góa sī chiàⁿ-káng ê Tâi-ôan káu

Góa sī 1-chiah Tâi-ôan-káu
 Hīⁿ-á kiā-kiā, σ phīⁿ-kóng, 3-kak bák
 Kha-thiāu tng koh tit, kôan-tō ū-kàu
 Lāi-hâng-lâng o-ló ū hêng-ui
 Gōa-hâng..ê kóng góa ok-khiák-khiák
 Sui-bóng pháíⁿ-khòaⁿ-bīn
 Chhù-lāi kò tiâu-tiâu
 Lâng lâi, kheh khi
 Góa ē-hiáu hóm, hóm, hóm
 Pò-kò chú-lâng: lâng-kheh lâi-kàu
 Lāi-sim chû-pi m̄-bat kā-lâng kā
 Chú-lâng o-ló góa chin bat tãi-chì
 In-ūi Góa sī 1-chiah Tâi-ôan-káu

Góa sī l-chiah Tâi-ôan-káu
 M̄-sī Jit-pún chhiu-tiân-khián
 Mā m̄-sī Pak-kiaⁿ hô-lî-káu
 Á-sī chhâ-khián, thó-sah, phó-mé-á káu
 In lóng-sī gōa-lâi-káu
 Ū-ê beh sio-phah
 Ū-ê hô-lâng khòaⁿ-súi chò thióng-bút
 Ū-ê sui-bóng ē kò-ke
 M̄-kú bē-hiáu kò chng-thâu
 Kan-ta Góa, Tâi-ôan-káu
 Tû-liáu kò-chhù í-gōa
 Koh ē chng-thâu chhù-āu
 Sûn-thâu khòan-bóe
 M̄-hō pháíⁿ-lâng táh-kha-kàu
 Góa ū siā-khu koan-liām
 Góa chai-iaⁿ kha-táh sít-tē
 Liáu-kái Tâi-ôan sī Góan-tau
 Só-í Góa sī chiàⁿ-káng ê Tâi-ôan-káu

Góa sī l-chiah Tâi-ôan-káu
 N̄ng-bāng gōa-lâi-ê hiaⁿ-tī chí-mōai
 Nā beh Tâi-ôan khiā-khí
 Tióh ài lóh-thô têng-kin
 Chiong Tâi-ôan khòaⁿ-chò Lán-tau
 M̄-thang kan-ta siūⁿ-beh lóh-hiòh kui-kin

Siàu-siūⁿ beh tng-khì h̄ng-h̄ng kì-tì ê
 gōan-hiong
 Lán lâi saⁿ-kap keng-êng
 Tâi-ôan chit-tè han-chî-h̄ng
 Hō I ōng-ōng seⁿ-thò^a, hoat-tián bē hoat
 cháp-chháu
 Án-ni Lán tióh lóng-sī Tâi-ôan-káu

Góa sī l-chiah Tâi-ôan-káu
 M̄-bián koh kóng
 Khah ài mā ài Gún-tau
 Chia ū Gún-ê thó-tē, jí-giân, bûn-hòa
 N̄ng-bāng ū Tâi-ôan-sim ê gōa-lâi-káu
 Ē-tàng kap Gún káng-sim lâi chhòng-chō
 Lán Tâi-ôan ê sin bûn-hòa
 Ē-tàng tī kok-chè khiā-khí
 Chiāⁿ-chò ū chun-giâm ū lí-sióng ê kok-ka
 Lín kám chai-iaⁿ Góa ê miâ
 Gún chú-lâng kiò Lah-jih
 I kā góa hō-chò Theh-lih
 I sī Tâi-ôan-lâng
 Góa sī Tâi-ôan-káu.